



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax: +387 33 726-423
e-mail: info@voda.ba

Broj: **UP-1/21-3-40-441-3/24**
Datum: **30.09.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica KJKP „TOPLANE-SARAJEVO“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda sa lokacije objekta kotlovnice "KDI-8", izgrađene u ulici Miroslava Krleže do br. 13, općina Novi Grad Sarajevo na osnovu člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev pravnog lica KJKP „TOPLANE-SARAJEVO“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda sa lokacije objekta kotlovnice "KDI-8", izgrađene u ulici Miroslava Krleže do br. 13, općina Novi Grad Sarajevo, instalisane snage 1.86 MW, obzirom da se tokom rada objekta kotlovnice ne pojavljuju aktivnosti za koje je propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik objekta dužan je da pribavi vodne akte od nadležnog organa.

Obrazloženje

Pravno lice, KJKP „TOPLANE-SARAJEVO“ d.o.o. Sarajevo svojim zahtjevom se obratio ovoj Agenciji za ispuštanje tehnoloških otpadnih voda sa lokacije objekta kotlovnice "KDI-8", izgrađene u ulici Miroslava Krleže do br. 13, općina Novi Grad Sarajevo, instalisane snage 1.86 MW.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 065-0-Reg-19-003005 od 27.06.2019. godine donesenog od strane Općinskog suda u Sarajevu;
- Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Sarajevo, 27.06.2006. godine;
- Ovjerena Kopija uvjerenja o registraciji/upisu u Jedinostveni registar obveznika indirektnih poreza donesenog od strane Uprave za indirektno-neizravno oporezivanje Banja Luka broj: 04/1-UPP/1-6711/07 od 01.08.2007. godine;
- Tehnološki opis izvedenog stanja kotlovskog postrojenja "KDI-8", urađen od strane KJKP „TOPLANE-SARAJEVO“ d.o.o. Sarajevo, juli 2019. godine;
- Situacija – prikaz izvedenog stanja odvodnje otpadnih voda sa lokacije kotlovnice "KDI-8";
- Kopija rješenja o upotrebnoj dozvoli broj: 06-360-351/83 od 14.04.1983. godine izdato od Skupštine Općine Novi Grad, Općinske Komisije za urbanizam, građenje, imovinsko pravne poslove i katastar;
- Kopija Rješenja o vodnoj dozvoli broj: UP-1/25-3-40-414-3/19 od 15.08.2019. godine, donesenog od strane Agencije za vodno područje rijeke Save;
- Potvrda o priključku objekta na gradsku vodovodnu i kanalizacionu mrežu u svrhu dobijanja/obnove vodnih dozvola broj: 1934-1/24 od 07.08.2024. godine izdato od strane JP „Vodovod i kanalizacija“ a.d. Istočno Sarajevo.
- Dokaz o uplaćenju upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama člana 12. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22).

U skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata dana 27.08.2024. godine izvršen je uviđaj na predmetnoj lokaciji, o čemu je sačinjen Zapisnik broj: UP-1/21-3-40-441-2/24.

Na osnovu dostavljene dokumentacije uz predmetni zahtjev i izvršenom uviđaju na predmetnoj lokaciji, utvrđeno je slijedeće:

Na osnovu uvida u dostavljenu dokumentaciju utvrđeno je slijedeće:

- Kotlovnica "KDI-8" u ulici Miroslava Krleža do br. 13., općina Novi Grad Sarajevo spada u kategoriju toplovodnih kotlovnica, instalisane snage 1.86 MW.
- Kao energent kotlovnica koristi prirodni gas kojim se snabdijeva preko prijemno regulacione stanice smještene pored kotlovnice.
- Kotlovnica "KDI-8" ne koristi alternativna goriva.
- Tehnološke otpadne vode nastaju prilikom odmuljivanja kotlova (u toku sezone svaki drugi dan) i u toku remonta-ispiranj instalacija (van sezone grijanja), a iste se prihvataju u odmuljnu posudu. Nakon mjerenja pH (<9.5) i temperature vode (<40°C) u odmuljnoj posudi, voda se ispušta u gradsku kanalizacionu mrežu kojom upravlja JP „Vodovod i kanalizacija“ a.d. Istočno Sarajevo.
- Korisnik objekta posjeduje potvrdu o priključenju kotlovnice KDI-8 na gradsku vodovodnu i kanalizacionu mrežu kojom upravlja JP „Vodovod i kanalizacija“ a.d. Istočno Sarajevo.

Shodno odredbama člana 110. stav (3) Zakona o vodama („Službene novine Federacije BiH“, broj 70/06), vodni akti nisu potrebni za objekte i aktivnost ispuštanja otpadne vode u javni kanalizacioni sistem, uz uslove propisane od strane operatera kanalizacionog sistema, kao da nema ni ispuštanja oborinskih onečišćenih voda kako je to utvrđeno odredbama člana 3. tačka (s) i tačka (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24), odnosno nema ispuštanja tehnoloških otpadnih voda u smislu odredbi člana 139. stav (1) Zakona o vodama, riješeno je kao u dispozitivu rješenja.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević B.Sc.ing.grad

Po ovlaštenju

Rukovodilac sektora za izdavanje vodnih akata



Minhad Pezo, dipl.inž.grad.

Dostaviti:

- KJKP „TOPLANE-SARAJEVO“ d.o.o. Sarajevo, ul.Semira Frašte broj 22, 71000 Sarajevo
- AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava